

Kalaallit Nunaanni eqqartuussisarnermik inatsisip allanngortinnissaanut inatsimmut missingiut (Pinerlunnernit eqqorneqartut inatsisitigut inissisimanerannik pitsanngorsaaneq) aamma Pinerlunnernit eqqorneqartunut naalagaaffimmit taarsiissutit pillugit inatsisip allanngortinneqarnissaanik inatsisit assigiinngitsut kunnqip peqqussutaatigut Kalaallit Nunaannut atortuulernerannik peqqussummut missingiut pillugit Inatsisartut aalajangiiffigisassaattut siunnersuut.

(Isumaginninnermut, Ilaqutariinnut Inatsisinillu Atuutsitsinermit Naalakkersuisoq)

Saqqummiussissut

(Isumaginninnermut, Ilaqutariinnut Inatsisinillu Atuutsitsinermit Naalakkersuisoq)

Siullermeerneqarnera

Siunnersuut sivisuumik utaqqineqarsimasoq Inatsisartuni suliarineqartussanngorlugu saqqummiunneqarsinnaalermat Naalakkersuisut nuannaarutigaa. Siunnersuut danskit naalakkersuisuinik suleqateqarluni suliniutit aallartinneqarsimasut arlaqartut ilagivaat, taannalu Kalaallit Nunaanni inatsisunik atuutsitsinermit suliaasaqarfiup ullutsinnut naleqquttunngorlugu nutarteriffigineqarnissaanut ilaavoq.

Kalaallit Nunaanni pinerluttulerinermit suliani eqqugaasut inatsisitigut inissisimanerisa pitsanngorsaavigineqarnissaat siunnersuummi aallarnerniarneqarpoq, taannalu Naalakkersuisut inatsisunik atuutsitsinermit suliaasaqarfimmi periusissatut suliniutissanullu pilersaarutaanni suliniutinut ilaavoq.

Eqqugaasumut imaluunniit taassuma qanigisaanut qimataasunut nalinginnaasumik politiit ilitersuisussaataanerat eqquneqassasoq siunnersuutigineqarpoq. Iltersorneqarnissamik pisariaqartitsineq suliamiit suliamut allanngorartussaasassaaq. Eqqugaasup taarsiissuteqarnissamut akisussaanermut inatsit malillugu taarsiivigineqarnissani pillugu pisinnaatitaaffini pillugit ilitersorneqarsinnaanini imaluunniit eqqugaasoq suliami ilisimannittutut oqaaseqassappat, pisinnaatitaaffini pisussaaffinilu pillugit ilitersorneqarnissaa tamatuma ilaatigut kinguneraa.

Eqqugaasup pinerluuteqarsimasup iperagaaneratigut kalerrinneqartarnissaminut periarfissaata annertusineratigut pinerluttulerinermit inatsimik annertuumik unioqqutitsinermit isertitsivimmuut inissinneqarnissaq pillugu eqqartuussisoqarsimatillugu suliani, eqqugaasumut suliniuteqartarnissap patajaallisaavigineqarnissaa Inatsisissatut siunnersuummi aamma siunertarineqarpoq.

Tamatuma saniatigut eqqugaasup taassumaluunniit qanigisaasa qaninnerit suliami suut alloriarfiusimanersut pillugit kalerrinneqartalernissaat siunnersuutigineqarpoq.

Pisut immikkorluinnaq ittut pisariaqartippassuk, eqqartuussiviup pinerlineqartumut ikiuuttussamik toqqaasarsinnaanissaa pillugu pinerlineqartumut ikiuuttussat pillugit malittarisassat atuuttut ilaneqassasut aamma siunnersuutigineqarpoq. Pisuni taaneqartuni inatsisunik unioqqutitsinerup suussutsimigut aalajangersimasuunissaa aalajangiisuusariaqanngilaq, kisiannili suliami pisut aalajangersimasut pissutigalugit eqqugaasup illersuisoqartinneqartariaqarnera aalajangiisuussalluni.

Inatsimmi piunasaqaatit allat naammassineqarsimappata, unnerluunneqartup pinerluttulerinermik suliap ingerlanerani iperagaasimanera apeqqutaatinnagu, eqqugaasup taarsiiffigineqarsinnaanissaa peqqussutissatut missingiummi aallarnerniarneqarpoq.

Ataatsimut isigalugu siunnersuut Killiliisami periusissamut naapertuuppoq, aamma unnerluutiginninnerup kingorna ingerlatsinissat aggersut pillugit eqqugaasup ilisimatinneqartarnissaata qanoq pingaaruteqartiginera erseqqissarneqarpoq. Meeqqanut persuttaanerit, pinngitsaaliilluni atoqateqarnerit aamma kinguaassiutitigut innarliinerit pillugit suliat oqartussanut nutaartaqanngikkaluartut, suliaq eqqugaasumut immikkuullarissuuvoq, taamatullu oqartussaniit suliarineqartariaqarluni.

Naalackersuisut taamatut oqaaseqarlutik immikkoortoq Inatsisartunut oqaluuserisassanngortippaat.